

**JAVNA ZDRAVSTVENA USTANOVA
DOM ZDRAVLJA SREBRENİK**

KOMISIJA ZA POBOLJŠANJE KVALITETA

Broj:1375-2/08

Srebrenik, 07.11.2008

Telefon 035 645 667 fax 035 645 703

Komisija za poboljšanje kvaliteta imenovana Rješenjem direktora Ustanove br.1373/08 od 07.11.2008.god., na sastanku održanom 31.10.2008. godine usvojila je:

PROCEDURA BROJ 3

UPOTREBA RUKAVICA, MASKI I KORIŠTENJE MEDICINSKE ODJEĆE

Politike i procedure za Dom zdravlja: 2E.141; 5L.395; 5L.396

1. OPŠTA IZJAVA O POLITICI

1.1 Putem pravilne promjene upotrebe rukavica, maski i medicinske odjeće Dom zdravlja vodi brigu o riziku da pružaoci i korisnici usluga dobiju infekciju za vrijeme boravka u ustanovi, odnosno da se rizik svede na najmanju moguću mjeru

2. PODRUČJE PRIMJENE: Sve zdravstvene službe u JZU DZ Srebrenik

3. DISTRIBUCIJA I NADZOR

3.1 Šefovi službi, glavna sestra doma zdravlja i odgovorne sestre službi, obavezni su obezbjediti da se sa ovim procedurama upozna medicinsko osoblje.

3.2 Procedure moraju biti postavljena na mjesta dostupna svom medicinskom osoblju.

3.3 Svi zaposleni su odgovorni za primjenu ove procedure.

3.4 Šefovi službi /ambulanti i odgovorne sestre, odgovorni su provjeravati ispravnost primjene ove procedure. Oni kontinuirano provode kontrolu pravilnosti primjene procedure jedanput mjesečno i izvještavaju glavnu sestru i koordinatora kvaliteta.

3.5 Direktor i glavna sestra ustanove periodično vrše provjeru pravilnosti primjene procedure.

4. PROCEDURA UPOTREBE RUKAVICA

Zaštitne rukavice služe za zaštitu osoblja i pacijenata i treba ih uvijek nositi kad se dolazi u dodir sa krvlju, slinom i sluznicom, kao i pri rukovanju sa priborom i predmetima koji su bili u dodiru ili su kontaminirani ovim izlučevinama.

Sterilne rukavice moraju se koristiti u svakom slučaju aseptičnog pristupa bolesniku i sterilnom materijalu.

Jednokratne PVC rukavice se moraju obavezno koristiti prilikom dodira sa kontaminiranim materijalom i predmetima.

Rukavice se moraju koristiti prilikom svake intervencije na bolesniku pri čemu dolazi ili može doći do narušavanja integriteta kože i sluzokože, u previjalištima, pri pregledu svih oralnih lezija, i u svakom drugom slučaju gdje može doći do prenosa uzročnika infekcije.

5. PROCEDURA UPOTREBE MASKI

Zaštitne maske se nose iz dva razloga:

- da bi se zaštitila otvorena rana od mikroorganizama iz usta i nosa osoblja koje je obrađuje
- da bi se zaštitili profesionalci od mogućeg infektivnog agensa.

Masku treba nositi:

- **u ambulantama porodične medicine, pedijatrije i ambulanti hitne pomoći** za vrijeme intervencije naotvorenim ranama i opekotinama i za vrijeme pregleda i njege bolesnika koji boluju od visokokontagioznih oboljenja, kao i kod posebno osjetljivih bolesnika kojima je uništen prirodni odbrambeni sistem
- **u stomatološkim ambulantama** za vrijeme pregleda i intervencija, i u stomatološkoj tehnici
- **u ginekološkoj ordinaciji** prilikom ginekoloških intervencija
- **u laboratoriji** prilikom uzimanja uzoraka.

Maska mora da pokriva usta i nos, a mijenja se nakon 1,5-2 sata nošenja ili čim se ovlaži. Ne smije se nositi u džepu ili oko vrata.

Jednom korištena maska se ne smije ponovo koristiti. Prije stavljanja maske i nakon njenog skidanja obavezno je pranje ruku.

6. PROCEDURA KORIŠTENJA MEDICINSKE ODJEĆE

Medicinska odjeća i obuća kao faktor u kontroli infekcija imaju svoje značenje prije svega u zaštiti profesionalaca.

Medicinsku odjeću i obuću čine mantil, bluza i hlače ili bluza i suknja kao i klompe ili borosane. Profesionalci su obavezni da nose medicinsku odjeću i obuću na radnom mjestu.

Zanavljanje odjeće i obuće vrši se jednom u dvije godine na prijedlog glavne sestre ustanove.

7. REVIZIJA PROCEDURE ZA 3 GODINE

Koordinator kvaliteta
Prim.dr. Jasminka Jašić

Direktor Ustanove
Prim.dr. Senada Kovač